

書名 錦繡萬花谷前集四十卷 嘉靖十五年序錫山秦汴鑄石書堂刊本後修
撰者 宋 闕名 撰
卷 卷十六
內容分類 子·類書·彙考·宋
索書號 大木·子部·類書類·31
編號 C5924800

卷十六



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木·子部·類書類·31
漢籍善本文影像資料庫文本 錦繡萬花谷前集四十卷 嘉靖十五年序錫山秦汴鑄石書堂刊本後修

版權所有: 東京大學 東洋文化研究所
使用上的注意事項

萬花谷前集卷之一

天

虎豹九關重虎豹九關言天門九啄害下人此重虎豹守之出楚靈

天圓如倚蓋地方如碁局天旁轉半在地上半在

日月本東行天西旋入于海牽之以西如蟻行磨

左旋蟻右行磨疾蟻遲蟻不得不西出晉天文志吳王蕃傳

銀漢水之精發而浮上宛轉隨流名曰天河

漢詩疏亦名銀潢謝莊月賦斜漢左界北陸南

銀灣出許洞詩亦曰銀浦出李賀詩

神異經東北大荒中有金闕高千丈上有明

一丈光照千里中有金階兩闕名天門出杜詩注

通明玉帝殿名常有紅雲捧之坡詩云侍臣鵠



還父老進狀乞隨兩稅納錢三十萬緡而罷推法藝祖
許焉今兩稅外食鹽錢是已及仁宗朝王拱辰君貺為
三司使復議推法未定張方平安道繼之具本末以奏
不宜復推仁宗驚曰朕不知也卿為朕撰數句語朕將
批出使河朔人知此意時賈魏公守北都聖語至即刻
石于府園騎山樓瘦木亭上魏人以此深德賈公龍川志

錦繡萬花谷前集卷之十五

錦繡萬花谷前集卷之十六

父子

宗稷問安文王有疾武王不說冠帶而養文王一飯武
王亦一飯文王再飯武王亦再飯文王為世子朝于王
季日三鷄初鳴而至寢門問內豎曰安否何如豎曰安
文王喜及日中又至亦如之及暮又至其有不安內豎
以告文王文王色憂

南山橋梓伯禽與康叔見周公三見三筮之二子乃問
商子商子曰南山之陽有木名橋南山之陰有木名梓
何不往觀之二子往見橋木高而仰梓木實而俯還告
商子商子曰橋者父道也梓者子道也尚書大傳

曾子耘瓜曾皙今曾子耘瓜誤傷其根曾皙怒擊其首

曾子什地有頃乃蘇孔子聞之謂弟子曰參來勿內也昔瞽瞍有子曰舜瞽瞍使之未嘗不往欲殺之未嘗可得小杖則受大杖則逃不陷父於不義也家語

膝上王文度晉王述字懷祖子坦之字文度為桓溫長

史溫欲為子求婚於述坦之還家省父而述愛坦之雖長大猶置膝上坦之因言溫意述大怒遂排下曰汝竟

癡耶述傳

老萊兒啼老萊子事二親行年七十作嬰孩自娛著五

色綵衣取漿上堂跌仆因臥地為小兒啼列女傳

炊飯成糜陳太丘有子元方季方有客詣太丘談鋒甚

敵太丘令二子炊飯延客二子委甌竊聽客語飯落釜成糜而進客去太丘責之二子言其故且誦客語無遺

太丘曰但糜自可何必飯商芸小說

循家束皙補亡詩曰南陔孝子相戒以養也循彼南陔

言採其蘭眷戀庭闈心不遑安選詩

風謝莊生五子颺肫顙崧淪謂莊名子以風

月景山水南史

義王羲之有子七人其知名者五人曰玄之

凝之徽之操之獻之孟郊詩曰羲之生五子羲之又有

踐霜伯奇尹吉甫之子吉甫惑於後妻虐伯奇無

衣無履而使踐霜挽車伯奇順父之令不敢有辭

發假唐楊惟直名四子發假收嚴以春為義假以

夏為義收以秋為義嚴以冬為義收大拜發至丞郎

回戎王渾子戎幼爽阮籍謂渾曰戎清爽非卿倫也與卿言不如與阿戎談 晉書

屏風隔坐吳紀亮為尚書令子隲為中書令每朝會詔以御屏風隔坐

快牛為犢子時多能破車汝當小忍之勒乃止 晉書

咸戒牀下語至半夜咸睡頭觸屏風萬年大怒曰乃公教戒汝汝反不聽吾言何也咸曰且曉所言大要教咸

諂也萬年乃不復言 咸傳

金令為生產賈常乘安車侍者十餘寶劍直百金謂其

子曰與汝約過汝汝給人馬酒食十日更所死之家得

劍賈傳

雙珠出老蚌韋康元將弟誕仲將孔融與其父書曰前

日元將來淵才亮茂雅度弘毅偉世之器也昨日仲將來文敏篤誠保家之主也不意雙珠近出老蚌 後漢

父子骨滲血梁武帝第二子綜封豫章王初母吳淑媛在齊東昏侯宮及幸武帝七月而生綜嘗中多疑之及

綜年十四常夢一少年肥壯自挈其首對綜非一問母母問夢中形狀類東昏因密報之勿泄綜遂於別室祠

齋廟然猶無以自信聞俗說以生者血滲死者骨滲即為父子綜私發東昏墓出其骨滲血試之既驗在西州

生次男月餘潛殺之既瘞發其骨又試之 南史

唐王少玄父死兵遺腹生十歲問父所在母以告即哀泣求尸時野中白骨覆壓或曰以子血漬而滲者父齒也少玄鏡膚閱旬而獲本傳

好消息惡消息唐崔玄暉為軍校員外郎母盧氏戒之

曰吾見辛亥馭云兒子從官者聞有人來云貧乏不能自存此是好消息吾聞貲貨充足衣馬輕肥此是惡消息吾重此言汝今坐食俸祿若不能忠清何以戴天履

地特加修潔勿累吾此意也職官分紀

盜酒不拜孔文舉有二子大十歲小五歲晝日父眠小者牀頭盜酒飲之大兒謂曰何以不拜小者答曰偷何行禮此言小而善言語也雜說

添丁盧仝生子名曰添丁欲為國持役也

雲思親唐狄仁傑授并州司法參軍親在河陽仁傑登泰山反顧見白雲孤飛謂左右曰吾親舍其下顧望久之雲移乃去

九子母丈夫錢穆父生九子東坡以九子母丈夫目之本傳

同桓王荆公及子雱同修經義經成加荆公左僕射雱龍圖直學士同日受命元絳賀詩曰陳前輿服同桓傳拜後金珠有魯公東軒筆錄

陳省華蜀人三子堯叟堯佐堯咨皆進士及第而伯仲為天下第一晚年與燕國夫人馮氏俱康寧堯叟知樞密院次子直史館少子知制誥每對客三子列侍客不自安省華曰學生列侍常也士夫以為榮澠

燕談

宰相侍立 本朝王溥拜相年三十二其父祚累遷防禦

每見客溥常朝服侍立客不安求去祚曰學生勞賢

者起避耶廬陵歸田錄

手植三槐 王晉公祜太祖朝為知制誥使魏州

太祖曰使還與卿王溥官職時王溥為相也使還帝怒

安置華州七年不召初祜赴貶時親朋送祜曰意公作

王溥官職矣祜笑曰某不做兒子二郎必做二郎者文

正公旦也祜手植三槐于庭曰吾子孫必有為三公者

已而果然天下謂之三槐王氏鄒氏

索杖欲撻 韓忠獻公億教子嚴肅知亳州第二子舍人

自京西倅謁告省觀康公與右相及姪宗彥皆中甲科

歸公喜置酒召僚屬之親厚者俾諸子坐於隅惟持國

多深思知必有義方之訓托疾不赴坐中忽云二郎吾

聞西京有疑獄奏讞者其詳云何舍人思之未得已訶

之再問未能對遂推案索杖大罵曰汝食朝廷爵祿倅

貳一府事無巨細皆當究心大辟奏案尚不能記則細

務可知必欲撻之眾賓方解方已諸子股栗家法之嚴

如此所以多賢子孫也鄒氏

郎罷困 閩人呼子為困謂父為郎罷顧况有詩述之青

箱雜記故山谷有詩送示觀少章從東坡學云斑衣兒

啼真自樂從師學道也示惡但得新年勝舊年即如常

在郎罷前黃集

賢妻於女 邵堯夫四子餘始娶生男有詩曰我今行

年四十五生男方始為八父鞠育教誨誠在我壽天賢
愚繫於汝我若壽年七十歲眼前見汝二十五我欲願
汝成大賢未知天意肯交否聞見錄

八龍國朝韓億忠獻公八子曰綱綜絳繹緯續維縵多
為聞人絳續皆為宰相縉為門下侍郎以比荀氏八龍
續詩

窮達有命唐介一日自政府歸語諸子曰吾備位政府
知無不言桃李固未嘗與汝等栽培而荆棘則甚多矣
然汝等窮達莫不有命惟自勉而已湘山錄

守鳴蟬賦予起作賦草他兒一視而過獨小子隸守之
不去此兒必能為吾此賦因以予之歐集葉字叔弼

長頭時王東坡中子迨生三年不能行請辯才師為落

髮摩頂祝之不數日能行坡有詩云我有長頭兒角頰
峙犀王四歲不知行抱負煩背腹師來為摩頂起走趨
奔鹿

虎兒詩蘇子由巳卯生坡嘗號為卯君生子名虎兒坡
有詩云舊聞老蚌生明珠未省老兔生於菟老兔自謂
月中物不騎快馬騎蟾蜍蟾蜍爬沙不肯行坐令青衫
垂白鬚於菟駭猛不類渠指揮黃熊駕黑羆丹沙紫麝
不用塗眼前百步走妖狐妖狐莫誇智有餘不勞搖牙
咀爾徒

母子

啓母化為石禹治六通輾轅山化為熊謂塗山氏女曰
欲餉必聞鼓聲乃來禹排石誤中鼓塗山氏往見禹方

作能慙而去至嵩山下化為石方孕啓禹曰歸我子石
破北方而啓生武帝紀注

伊尹母化為枯桑伊尹母方孕行汲化為枯桑其夫尋

至水濱見桑穴中有兒乃收養之尚書大傳

搯臂呼參曾參出薪于野有客至其家欲去其母曰願

留參方到即以左手搯右臂臂痛參即馳至問母曰臂

何故痛母曰今者客至搯吾臂呼汝耳論衡

三釜曾子再仕而心再化曰吾及親仕三釜而心樂後

仕三千鍾而不汨吾心悲莊子

斷機孟軻母三徙既居孟子學而歸母問學所至孟子

曰若也孟母以刀斷機曰子之廢學若吾斷機孟子懼

勤學不息遂成名儒

倚門王孫賈之母謂賈曰汝朝出而晚來則吾倚門而

望汝暮出而夜還則吾倚廬而望戰國策

織屨漢翟方進年十二三失父為太守府小吏因病歸

家辭其後母欲西至京師授經母憐其幼隨至長安織

屨以給方進後十餘年至宰相母尚在

分棊後漢蔡順當王莽末大荒順拾棊以異器盛之赤

眉賊見而問之順曰黑者奉母赤者自食賊知其孝乃

遺米肉放之本傳

桑門遺瓜滕曇恭年五歲母患熱病思食寒瓜土俗不

產曇恭歷訪而不得俄遇一桑門曰我有雙瓜分一相

遺舉室驚異南史本傳

遺蒲萄陳叔達為納言嘗賜食得蒲萄不舉高祖問之

對曰臣母病渴嘗求不能致願歸奉之帝曰卿有母遺乎因賜之本傳

和能膽丸以助子勤柳仲郢幼嗜學母嘗和能膽丸使夜咀嚙以助子勤唐本傳

識杜黃裳潘孟陽母劉晏女常問末坐有綠衣少年何人曰補闕杜黃裳夫人曰此人覺全別必是貴人後為相南部書

鼓吹震耀洛濱晉汝南王亮母伏太妃常有小疾夜於洛水亮兄弟三人侍從並持節鼓吹震耀洛濱武帝登凌雲臺望見曰伏妃可謂富貴矣

擁笏垂魚唐曹成王臯為刺史遭誣在治念其母太妃老將驚而戚出則囚服就辨入則擁笏垂魚退之曹王碑

畫像金日磾母死武帝詔圖其形於甘泉宮日磾養馬苑中每牽馬過見遺像輒拜

冰臥南史蕭叡明母病風積年叡明晝夜祈禱時寒叡明下淚為之冰如筋額上叩頭血亦冰不溜後其母遂安孝義集

當歸遠志姜維天水人既歸蜀得母書令求當歸維曰但有遠志不在當歸本傳

刻母形丁蘭少喪父母不及養乃刻木為親形事之若生隣人張叔妻從蘭妻有所借蘭妻跪報木人木人不悅不以借之叔醉罵木人以杖敲其頭蘭歸奮殺張叔

郡縣嘉其孝遂上之圖形於靈臺孫盛逸

社日悲慟魏王脩年七歲母社日死脩每至社日悲慟

鄰里爲之輟社

拔刀 僕固懷恩父子平史朝義舉河朔若拾遺護回紇歸國過太原爲辛雲京所拒閉關不犒軍大怒頓軍汾州遣子瑒攻雲京偏將焦暉等斬瑒首獻闕下懷恩聞以告母母曰我戒汝勿反國家訓汝不淺今衆變禍且及我提刀逐之曰吾爲國殺此賊取其心以令軍中懷恩走以部曲三百走靈州詔輦其母歸京師贊曰其母拔刀逐賊烈婦人哉

毛義 家貧養親張奉慕其名詣義會府檄至以義爲守令義捧檄入喜動顏色奉心賤之及義母死舉賢良方正不就奉嘆曰往日之喜爲親也 本傳

寄物瓶中 曹公令路粹枉狀奏孔融與布衣襦衡放言

云父之有子當有何親論其本意實爲情欲發耳子之於母亦復奚爲爲譬寄物瓶中出則離矣 後孔融傳

非此母不生此子 陶侃母湛氏新塗人初侃父丹聘爲

妾生侃陶氏貧賤母紡績資之番陽孝廉范逵寓宿於侃時大雪湛氏乃徹所臥新薦自剉給其馬又密截髻供饌逵嘆曰非此母不生此子侃竟以功名顯 晉列女傳

母有疾輒病 唐張志寬嘗詣縣忽稱母疾求急歸令問狀答曰母有疾志寬輒病令疑妄繫於獄馳驗如言

執爨 晉韓伯數歲大寒母方爲作襦令伯提爨斗而謂之曰且著襦尋當作複禪伯曰不須母問故曰火在斗中而柄熱今旣著下亦當煖 本傳

百官回 唐趙隱輔政他宰相及百官皆詣第

陸堂慶母懿宗誕日宴慈恩寺隱侍母以安輿臨觀宰相率百官拜恩於庭回班候夫人起居縉紳以爲榮

紀分

蔡順採薪於野有客至母望順不還噬其指順卽心動棄薪馳歸母曰有客來吾噬指以悟汝耳
漢雋不疑爲京兆尹行縣錄囚還其母輒問有所平反活幾何人卽多有所平反母喜笑爲飲食異於他時或無所出母怒爲不食故不疑爲吏嚴而不殘本傳

嚴延年治河南酷刑號屠伯母數責延年天地神明人不可獨殺我不意當老見壯子被刑戮也行矣去汝東歸掃墓地耳遂歸後歲餘果弃市東海莫不賢

智其母延年兄弟五人皆至大官卅號萬石嚴姬

宋廢帝子叢性凶恠其母疾篤召之帝曰病人多鬼那可往其母怒謂侍臣將刀來破我腹那得生此寧馨兒南史本傳

寇萊公少時不修小節頗愛飛鷹走犬太夫人性嚴每不勝怒舉秤槌投之中足流血由是折節從學及貴母已亡每捫其瘡痕輒哭記聞

杜甫詩送王砮砮是王珪之後云家貧無供給客位但箕帚俄頃羞頗珍寂寥人散後入怪鬢髮空吁嗟爲之乂自陳剪鬢鬢市易充沽酒上云天下亂宜與英俊厚秦王時在坐直氣驚戶牖及乎正觀初尚書踐台斗此稱珪母之賢兩清詩話

杖碎**金魚**陳康叔善射號小由基及守荆南回其母馮夫人問汝典郡有何異政堯咨云每以弓矢爲樂母曰汝父教以忠孝輔國家今汝不務行仁化而專務一夫之勇豈汝父之志耶杖之碎其金魚

刺血寫經求母朱壽昌少不知母所在刺血寫經求之五十年後得之蜀中東坡賀之以詩云嗟君七歲知念母憐君壯大心愈苦羨君臨老得相逢喜極無言淚如雨京龍爲炙玉爲酒鶴髮初生千萬壽**金花**詔書錦作囊白藤肩輿簾感繡感君離合傷我魂此事今無古未聞長陵謁來見大姊仲孺豈意逢將軍開皇苦桃空記面建中天子終不見西河太守誰復譏潁谷封人羞自薦坡集

如義真宗朝有士人其母死乃號慟抱母屍而泣其妻見夫死乃抱夫屍而哭亦就死曰此家人子死於孝婦死於義也

金花詔官誥院敕郡夫人使金花羅紙七張錦縹袋賜以湯沐邑乃奉親之榮也春明退朝錄

兄弟

花萼相輝樓睿宗五子玄宗爲季子製大衾長枕與諸王共之後於宮南造花萼相輝之樓時時登之必召諸王登樓賦詩世謂天子友悌無比有鶴鴒千數集麟德殿柱帝嘗賜憲等書曰魏文帝詩曰西山一何高高高殊無極上有兩仙童不飲亦不食賜我一丸藥光輝有五色服之四五日身體生羽翼朕每言寧如兄弟天生

羽翼乎陳思王才足以經國家絕其朝謁卒以憂魏祚未終司馬氏奪之豈神丸效耶明皇傳

花萼集李義山與兄弟俱以文章自名同為一集號李氏花萼集

酥醜穆賈兄弟皆和粹世以珍珠目之贊少信然有格為酪質美而多文為酥真為醜酪賞為乳腐

雙魚唐張越石楚金同舉有以兄弟不可兩收欲俱退李勣嘆曰貢舉本求才行何妨雙魚與乾廐子

聯珠集實羣與兄常牟弟庠輩兄弟五人皆為郎工詞章義取五星然故為聯珠集行於世本傳

白眉馬良兄弟五人並有才名鄉里諺曰馬氏五常白眉最良良眉中有白毫故云蜀志

三株樹唐王勃與兄勸勳皆著才名故杜易簡稱三株樹

紫荊花京兆田真兄弟三人欲分庭前紫荊花破而為三明日枯死真曰是人不如木也兄弟相感復合荊亦

茂陸機詩云三荊歡同株又古詩三荊同根生續齊諧記

蜀龍吳虎諸葛瑾仕吳諸葛亮仕蜀從弟誕仕魏後以兵反見誅世人謂蜀得龍吳得虎魏得狗世說

難兄難弟漢陳元方子長父即陳羣也與季方子孝先各論其父功德爭之不決諮於陳太丘太丘曰元方難其兄季方難其弟世說

難兄晉王珉小字僧彌少有才藝名出珣右語曰法護非不嘉僧彌難為兄法護珣小字晉本傳

非不嘉僧彌難為兄法護珣小字晉本傳

人琴俱亡 王徽之與獻之俱病術人曰應終而有生人樂代則死者可生徽之曰吾才不如弟請代術人曰君今與弟筭俱盡何可代獻之卒徽之奔喪直取獻之琴鼓之久而不調曰子敬人琴俱亡因一慟而卒

夾河為郡 漢杜周為廷史久任事列三公兩子夾河為郡守 本傳

多言佳客 王子敬獻之與兄徽之操之俱詣謝安二兄多言俗事獻之寒温而已既而客問王氏兄弟優劣安曰少者佳客問其故安曰吉人之辭寡以其少言故知之

封胡竭末 晉謝氏尤彥秀者稱封胡竭末封謂謝韶胡謂謝朗竭謂謝玄末謂謝川皆其小字也韶朗川皆早

卒惟玄以功名終

大祖姊 太祖將北征自京師歸民間誼言當立點檢為天子太祖聞之懼密以告家人太祖姊魏國長公主方在厨引麩杖逐太祖曰大丈夫臨大事可否當決胃懷乃來怖婦女太祖默然出 凍水記聞

四鳥之悲 孔子聞婦人哭聲謂顏淵曰此非獨哀又有離別之聲何以知之曰昔恒山有鳥生四子羽翼既成將分飛聲類於此問之果然父死賣子以葬 六帖
血陳業兄渡海同死六十人骨肉消爛而不可別業乃割臂流血灑骨上而後別也

連壁分鼎 東坡子由孔文仲經甫武仲常甫平仲毅甫俱以才名播天下魯直有詩云二蘇上連壁三孔分立

鼎天下墜斯文俱來集臺省

形貌相類張伯偕仲偕兄弟形貌相類仲偕妻新粧鏡

中忽見伯偕問曰今日新粧飾好否伯偕不顧仲偕妻
慚久伯偕復過仲偕妻復呼之曰向誤認伯偕是卿伯
偕又不顧仲偕妻始慚俱誤

友于世謂友弟謂友于朱浮蹠血友于杜甫詩云山鳥
山花皆友于皆歎後語也 洪駒父詩話

爭死後漢時趙孝宗弟孝禮被賊捉去欲殺而食之孝
宗聞之去見賊曰孝禮不如孝宗肥願代弟死賊相謂
曰此義士也遂並放之 孝義傳

子學 叔姪

霍氏衰張安世子于 與霍光子禹俱為中郎

將隨度遼將軍范明友擊烏桓還謁大將軍光光問戰
鬪山川形勢千秋口對兵事手畫地成圖無所忘失復
問禹禹不能記曰皆有文書光由是賞千秋而以禹為
不才嘆曰霍氏衰張氏興矣

一夜十起第五倫或問倫曰有私乎曰余兄子嘗病一
夜乃十起退而安寢余子有病雖不省視而通夕不寐

本傳

紫羅囊謝玄嘗佩紫羅香囊叔安惡之而不欲傷其意
因戲賭得乃焚之 本傳

買德郎桓温弟冲小字買德郎初温兄弟並少家貧母
患需羊以解温乃以冲為質羊主言不欲為質幸為養

買德郎 本傳

烏衣郎晉宋時江左謂王謝子弟爲烏衣諸郎 坡詩注

碧梧鸞鶴瑞環 退之云余在京師不能自存拜北

平王於馬前王憐之賜食與衣召二子使爲之主其季

遇我厚姆抱幼子立側肌肉玉雪可憐當是時見北平

王如龍虎變化不測見少傅翠竹碧梧鸞鶴停峙幼子

娟好靜秀瑤環瑜珥蘭茁其芽北平王馬燧也少傅燧

子暢也幼子燧之孫卽少監也

未嘗教子孫學問 王敬弘歲中見兒孫不過一再見見

輒刻日未嘗教子孫學問多隨所欲或問之答曰丹朱

不應乏教密越不聞被筆 南史

阿買 韓退之詩阿買不識字頗知書八分詩成使之寫

亦足張吾軍或問黃魯直阿買是退之何人魯直曰退

之姪必有據也 坡注

仲容賢嗣宗諸子姪早覺仲容賢仲容乃阮咸字籍之

姪也 杜詩

鳩車竹馬小兒五歲曰鳩車之戲七歲曰竹馬之戲 博

薦 宰相 呂蒙正居洛真宗祀汾陰過洛幸蒙正宅問

曰卿諸子孰可用對曰臣諸子皆豚犬不足用有姪夷

簡任賴州推官宰相才也帝記其語遂至大用文靖公

也 邵氏聞見錄

潘 翰林學士彭乘不訓子弟范宗翰上啓責之

曰王氏之子琪珪玘璿器盡璠璣韓氏之宗綜絳緝維

才皆經緯非蔭而得由學而然謂王氏皆以玉名韓氏

皆以絲名天下衣冠子弟取高科者唯王韓為盛名臣

梁羅蘇子由子遲适遠子瞻有詩云獨携三子出古剎

訪禪師高談付梁羅詩律對阿虎梁羅遲小字阿虎即

虎兒小字也坡集

虎頭王東坡賀子由生孫云朋來四男子大壯泰臨

復無官一身輕有子萬事足舉家傳吉慶殊相驚凡目

爛爛開眼電礲礲峙頭玉李賀詩頭玉礲礲眉刷翠

杜郎生得真男子

夫婦

射雉始笑叔向曰昔賈大夫惡娶妻而美三年不言不

笑御以如臯射雉獲之其妻始笑而言左傳

百里奚歌百里奚仕秦其妻歌曰百里奚五羊皮憶別時

烹伏雌炊芡屢今日富貴忘我為

白頭吟司馬相如將聘茂陵女子為妻文君作白頭吟

凄凄重凄凄嫁娶不須啼願得一心人白頭不相離相

如感之乃止西京雜記

娶罵已者人有挑其隣之妻者其長者罵之其少者報

之後其夫死而娶其長者或曰夫非罵爾者耶曰在人

欲其報我在我欲其罵人後馮衍傳

三同馮衍字敬通其妻極悍劉孝標云予與敬通三同

不遇一同也剛直二同也馮有忌妻自操井曰予亦有

忌妻家道坎軻三同也劉孝標傳

以粉書扇後漢陰瑜妻荀爽女名采早寡父母強嫁與

郭奕奕以詐疾召采采歸而懷白刃爽執奪不得已到

郭氏偽爲歡建四燈以共談奕敬憚之及曙奕出采叱左右辦浴既入室以粉書扇曰屍還陰氏字未成恐人來乃以衣帶自縊死

卿卿晉王渾妻鍾氏常卿渾渾曰詎可爾妻曰憐卿愛卿是以卿卿我不卿卿誰當卿卿世說

飲瓊搗霜裴航遇雲翹夫人與詩云一飲瓊漿百感生玄霜搗盡見雲英藍橋便是神仙窟何必區區上玉京後經過藍橋渴過一舍有老嫗揖之求漿嫗令雲英擎

一甌漿飲之卽美女也航欲娶雲英嫗曰但得玉杵玉臼當與之後航得杵曰爲搗藥乃得娶遂得仙也傳奇

不對梳沐宋劉穆之貧往妻兄家乞食多見辱不以爲耻其妻江氏每禁不令往穆之猶往食畢求檳榔江氏

兄弟戲曰檳榔消食君何需此妻復截髮而着饌爲其

兄弟以餉穆之自此不對穆之梳沐及穆之爲丹陽尹召妻兄弟飲至醉以金拌貯檳榔一斛進之本傳

感孤燕南史衛敬瑜妻年十六而夫亡父母舅姑欲嫁之乃截耳爲誓不許戶有巢燕常雙飛後忽孤飛女感

其偏栖乃以縷繫脚爲誌後歲此燕果復來猶帶前縷女爲詩曰昔年無偶去今春又獨歸故人恩意重不忍

更雙飛張景仁傳

黃鵠歌烈女陶嬰夫死守義作黃鵠歌曰黃鵠早寡子

七年不雙飛宛頸獨宿孑想其故雄其命早寡孑獨宿何傷念此寡婦孑泣下數行死不忘孑鳥將然雖有賢雄孑終不重行魯人間之遂不復求列安傳

箱上蠶機 **王** 王肅在江南聘謝氏女為妻及至京師復尚公主其後謝氏為尼亦來奔肅作詩贈肅曰本為箱上蠶今作機上絲得絡逐勝去頗憶纏時公主代肅謝曰針是貫紳物目中常維絲得帛縫新去何能袖故時肅甚恨遂造正覺寺憇之 伽藍記

寫面寄詩 南楚才 旅遊似無返舊之意其妻薛媛微知其意乃對鏡自圖其形并詩以寄之詩曰欲下丹青筆先拈寶鏡端已驚顏索寞漸覺鬢凋殘淚眼描來易愁腸寫出難恐君渾忘却時展畫圖看楚才遂歸如初雲

中妻復還 嚴灌夫 娶慎氏十年無嗣乃出之妻乃為詩以別曰當時心事已相關雨散雲收一餉間便是孤帆

從此去不堪重過望夫山遂如初

有書生娶後遊大學久不歸一夕夢返其家見妻秉筆寫詩云數日相望極須知意思迷夢魂不怕險飛過大江西書生怪而記之後家書至妻有詩一首如夢中所見無殊夢之夕乃發書之日

畫佛 唐武侍御喪其配斂其遺服櫛珥輦輓于亡月日十五日出陳之抱嬰兒以泣有浮屠者諭之曰是豈有益耶吾師云人死則為鬼鬼且復為人隨所積善惡受報環復不窮也西方有佛焉其土大樂能圖是佛而禮之往生莫不如意韓愈聞而弔之曰圖西方子道之勤以妄塞悲子慰新魂韓弔武侍御畫佛文

無雙 唐劉震之女幼時許其甥王仙客未成婚會朱泚

之舅震夫妻死無雙沒入掖庭仙客後二年入京遇舊
蒼頭塞鴻又得無雙婢採蘋與居後爲縣尉至長安驛
忽有中使押內家三十人往元陵灑掃塞鴻烹茗於簾
外夜深忽聞簾下語曰塞鴻郎健否明日我去後閤子
中取書送郎書後云常見敕使說富平縣古押衙有心
人今能求之否後仙客尋古押衙結以寶玉半歲古押
衙求茅山道士藥令採蘋假作中使賜無雙自盡立死
三日活以親屬贖屍以與仙客救療得愈押衙自盡仙
客與無雙易姓名偕老襄鄧間太平廣記

龜形詩唐會昌中有邊將張揆防邊近十年其妻侯
氏繡回文作龜形詩請闕進曰睽離已是十年強對鏡
那堪更理粧聞鴈幾回修尺素見霜先爲製衣裳開箱

疊練先垂淚拂杵調砧更斷腸繡作龜形獻天子願

行客早還鄉

封髮二十年唐賈直言妻董氏直言坐事貶嶺南以妻
少年訣曰死生不可期吾死可別嫁董不答引繩束髮
封以帛使直言署曰非君手不解直言貶二十年乃還
署帛宛然及湯沐髮墮無餘本傳

詩寄夫毛友龍達可未第時其內以一詩寄之剔燭親
封錦字書擬憑歸鴈寄天隅經年未報干秦策不識如
今舌在無齋錄

少婦集句壽之老醫娶少婦或集句嘲之曰隈他門戶
傍他墻年去年來來去忙採得百花成蜜後爲他人作
嫁衣裳后山詩話

陳隨字季常妻柳氏悍忌季常畏之東坡
詩戲之曰龍丘居士亦可憐談空談有夜不眠忽聞河
東獅子吼拄杖落手心茫然龍丘季常道號河東柳姓
郡也西清詩話

東洋
所圖書

東洋
圖書
印